

در سعادت‌نده یکی پوسته خانه قارشو سنده  
دايره مخصوصه در  
حل اواره :

# مستطابق

انظار :

مسلكنزه موافق آثار جديده مع المنونيه قبول اولنور  
درج ايديلمين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

مؤسسلى : ابوالعلا زين العابدين - ح. اشرف اديب

در سعادت‌نده نسخه سى ۵۰ باره در

تاريخ تأسيسى :  
۱۱ تموز ۳۲۴

قيريله دن مقوا بورو ايله كوندريليرسه سنوى  
۳۰ غروش فضله آلنير.

|                 |                |     |            |
|-----------------|----------------|-----|------------|
| در سعادت‌نده    | سنه لى القايلى | ۶۵  | ۳۵         |
| ولاياتده        |                | ۹۰  | ۵۰         |
| ممالك اجنبيه ده |                | ۱۰۰ | ۵۵ غروشدر. |

در سعادت‌نده پوسته ايله كوندريليرسه ولايات بدلى اخذ اولنور.

الجرء

ای لیل مائمی بورونن برج پر ضیا ،  
 ای حفره مزاره دونن شاهق صفا ،  
 ای منهدم سمای سیه ، افق سرنکون ،  
 ای مغرب ضیای سحر ، نجم لیل کون ،  
 ای خون جانفزاسی بیتن قلب دمعزار ،  
 ای میت دینه دونن روح شب قرار ،  
 بر کائنات ایسه کده بیقلمش جهانلرک ،  
 بر نو عروس ایسه کده چیقیق استخوانلرک !  
 بر کهکشان ایسه کده فقط ایشته تارمار ،  
 بر آسمان ایسه کده فقط خاکدان قرار .  
 بر روح بی بدن کبی ایلرک اعتلا ،  
 بیروح بر بدن کیسک شیمدی دایما .  
 اولرک ، اوت ، فقط عجبا وارمی مقبرک ؟  
 باقی ای عرب جنازه سی یوق نوحه کرلرک !  
 سنسک سنک زوالکه ماتم طونان وجود ،  
 سنسک سنک شو نعشکه بر قبر بی حدود .  
 سنسک سنک غروبکه فریاد ایدن دهن ،  
 سنسک شو هیئتکه سکا مغرب کهن .

\*\*

ای هیکل مدبدب ذیروسی ذلتک ،  
 ای سنک قبری روح بلب بر سعادتک ،  
 بر ملنک خطیب معلا بیانیسک ،  
 اغیار النده قالمش اولان یار جانسک !  
 یوقدر دواسی بنده اولان درد مهلکک ،  
 بیک یاره آجدی قلبه خونین کوزللیکک ،  
 اغیار ایچونمیدر بوادا بونجه عشوه لر ؟  
 آرتق شوقجه لر کبی سوسلندیکک یتر .  
 ترک ایت نقاب زینتکی ، اغترارکی ،  
 عربان براق حقیقتکی ، روی تارکی .  
 نجیم ایندوب جمالکی قانلر جریجه لر ،  
 اینسون لسان حالکی تشکیل نوحه لر !  
 دکیز بوکون بوکهنه جالک محبتنه ،  
 آج سینه سرائرکی چشم عبرته  
 کوستر سبوی میلری بزم طربلری ،  
 کوستر نصل زبون ایدیورمش عربلری  
 بر آدمک خسائس جهل وعطالتی  
 کوستر نصل نصل بوتون افراد ملتی  
 بر فرد محوق قهرایده بلمکده مقتدر  
 کوستر مائریله ظلام بشر ندر ؟

کوستر سربلرکه سییچهره ، پایمال ؛  
 کوستر کفن بدوش فنا بریغین ظلال .  
 \*  
 کلخنده شکل ایسه کده فقط آه کریه سک ،  
 ظلمت کبی فضاده طورور ، برده سایه سک !  
 ایوان سربلند عرب اولماسه ک کرک .  
 بیکلرجه قبر زائله برسک مشترک  
 شکل - زینی آله در قد وقامتک ،  
 مقبرلرک سرائریدر موج ظلمتک .  
 ماضی ظلال پرور اولان عالم شبک ،  
 آتی ظلام شک ایله بر صبح کاذبک .  
 داراتکک شرلریدر کوکده زاهرات  
 صولغون لقالریله بر لوحه عمت .  
 آمالکک غروبی تصویر ایدر تراب ،  
 مظلم اقلرکده عیون ایلر اغتراب !  
 قالیچه زمینکه شب ایلر انشار  
 مغرب درکده ، دار خرابکده برده دار .  
 ارتق شو اعتلای سفیلانه دن صیقل  
 ماضی شان وشوکتکه حرمة بیقبل !  
 صدمت جمال

حرب - مساوات

برنجی مقاله مزده بیان ایتدیگمز اوزره کائناتده حریت مطلقه اولدینی کبی مساوات مطلقه یوقدر . بونلر هپ نسبی شیلردر .  
 زیرا مساوات مطلقه بر شیک دیگر شینه هر خصوصه یعنی ذاتده ، صفاتده ، بتون اعراض و اوصافده مساوی اولسی دیمکدر . بویسه ایکی وجهله باطل در :  
 اولاً : خلاف واقع در . چونکه بتون اشیانک یکر بکیرینه مخالف اولدینی مرتبه بدهنده در . از جمله اول امرده کائناتده بر چوق اجناس مختلفه مصادف نظر من اولمده در . سوکرا هر ماهیت جنسیه نک بر چوق انواعی وارد در . حالبوکه بو انواع او ماهیت جنسیه ده مشترک و متحد اولمقله برابر آنلرک کندی آره لرنده مابیت کلیه موجود در .  
 زیرا هر نوع کنیدیسی دیگر انواعدن تمیز ایدن بر ویا بر قاچ فصلاری مشتمل در . کذا بر ماهیت نوعیه نک لایمده ولایحیی افرادی وارد در . بو افراد دخی او ماهیت نوعیه ده متحد ایسه ده یکر بکیرینه کلیاً مابین در . چونکه هر فرد دیگر افرادده بولونمایان بر چوق تشخصات و تعییناتی حائزدر .  
 ثانیاً : بر شیک دیگر شینه هر خصوصه مساواتی قبول ایتک خلاف مفروضی مستلزمدر . چونکه بوراده اولای ایکی شی آره سنده مساوات مطلقه تصور ایدیورزه . حالبوکه اگر فرض ایتدیگمز ایکی شی آره سنده مساوات مطلقه بولور ، یعنی آنلر ذاتده ، صفاتده و بتون اعراضده بر برینه مساوی اولورسه بو وجهله مساوات تعدده منافی اوله جفندن ایکی فرض ایتدیگمز شیک برشیدن عبارت اوله جفی وشو حالده خلاف مفروض لازم کله جکی شبهه سزدر .  
 دیمک اولیورکه عالم کونده مساوات مطلقه نک وجودینی ادعا ایتک

عادتا بر امر محالک وجودینی ادعادن باشقه برشی دکلدر . حتی صولک درجه بسیط اولدینی فرض ایدیلن ذرات آره سنده بیله مساوات مطلقه یوقدر . چونکه ذرات ماهیت وطبیعتلری بر اولدینی تسلیم ایدلسه بیله وجود و تشخصلری اعتباریله یکر بکیرینه مابین اولدقلری شبهه دن وارسته در . زیرا اگر هر ذره نک کنیدینه مخصوص بر تشخصی ، تعیینی و بر وجود خاصی اولمایوبده هر ذره نک تشخص و تعیینی و وجودی بر اولسه یدی ذراتده تعدده امکان قالماز و بناء علیه عالمده بر ذره دن باشقه دیگر بر ذره ده بولغاز وشو حالده عوالمده وجوده کلیمز ایدی .  
 ایشته کورولویورکه بتون کائنات ذاتده ، یا خود صفاتده بدهمه حال اختلاف اوزرینه ساحه آرای وجود اولمش و بوده هر شیک ، حتی هر ذره نک بیله آثار جالیه و جلالیه الهیه مظهر تجلیات اولسنندن ایلری کلشدر .  
 بتون کائناتک بویله یکر بکیرینه مخالف اوله رق وجوده کلیمی جناب حقیق موجودیتنه صورت قطعیه ده دلالت ایدن براهین جمله سنندنر .  
 زیرا اگر بو عوالم صنع الهی اولمایوبده مقتضای طبیعت اولسه یدی . بر طبیعتک مقتضای او طبیعتک آثارنده سیان اوله جفندن . کائناتده اعراض و اوصاف اعتباریله مخالف ، تباین شویله طورسون ، عالم کونده اجناس و انواعک وجودینه امکان بولونه ماز وشو حالده موجودات عین ماهیتک افرادندن اوله رق عوالم شوبدایله اصلا وجوده کله مندی .  
 امدی شو مقدماتی سرد ایتدکن سوکرا دیرزکه : قانون اساسیمزک اعلانی اوزرینه نائل اولدیغمز مساوات دن مقصد ، « حقوقده و نظر قانونده مساوات » در . نته کیم قانون اساسیمزک اون یدنجی ماده سننده مساوات دن مقصد بو اولدینی تصریح ایدلمکده در .  
 فی الواقع انسانلر باجمله حقوق و معاملاتده نظر قانونده مساوی اولمق لازم در .

مساواته رعایتی یا لکن مسلمانان دکل ، ملل غیر مسلمیه دهه [ لهم مالنا وعلیم ماعلینا ] حدیث شریفایله تشمیل بیوردیلر .

حضرت پیغمبر حقوق و معاملاتده کندی ذات رسالتیناهیلرینی امتیه مساوی طوتمق خصوصنده ابتدادن انهایه قدر جدیدتی اصلا اخلال بیورمدیلر . شرف نبوتی ایلك احراز بیوردیغی زمانده کی حالی نه ایسه آخر عمرنده کی حالی ده اولیه ایدی . سکزاون میلیونه قریب اولان اهالی مسلمانه کندیسنه صوك درجه انقیاد و اطاعت و محبت کوسترملری آنک اولکی حالی اصلا دکیشدیره مدی . بو قدر اهالینک ذات رسالتیناهیلرینه انقیاد و محبتلرندن بالاستفاده بوسایهده برکونا منافع شخصیه تأمینتی جهتی اصلا خاطر و خیال نبوتیناهیلرندن بیله کچمدی . بوکا دلیل می ایسترسکز ؟ ایسته ارتحال دار بقادن سوکرا براقدر قلمی ، همده بیت الماله صدقه اولمق اوزره براقدر قلمی ترکه نبویه لری : بركات البسه ، ایکی کلیم ، برچارشف ، برقاچ صوقابی ، قواونه ، طراق ، مقاص ، مسواک ، برکوش مهر ، برسریر ، یکریمی قدر صاغیلر دوه ، یوز قیون ، آتی یدی قدر کچی ... بوحوانلردن هرکون ایکی قربه سوت کلپور و بو سوتلر کندی اواج مطهراته صرف اولونیور ، فضله سی ده اصحاب صفیه احسان بیورولوردی . برده مدینه منورهده براز اراضی و فدک و خیر اراضیسندهده بر مقدار حصه سی وار ایدیسدهده حال حیاتنده بونلری وقف ایش و محل صرفلرینی تعیین بیورمشلر ایدی . او محل صرفده خارجدن کلن ایلیچیلر ایله مسافرلر ایدی .

حضرت رسولدن سوکرا اصحاب کرامده اثر رسوله قدرتلری یتدیکی قدر توفیق حرکت ایتدیلر . برنجی خلیفه سی حضرت صدیق ایلك خطبه سنده : « ای ناس ! اکر ایلك ایدرسهم بکا اعانه ایدیکر ، فئالق ایشلرسهم بکا طوغرو یولی کوسترکز . طوغر و لقا امانت ، یالانجیلق خیانت در . سزک ضعیفکز بنم عندمده قوی در ، زیرا آنک حقنی آیرم . قویکز بنم نزدنده ضعیف در ، چونکه آندن باشقه سنک حقنی آیرم . » بیوردی . حضرت صدیق ذاتا تجارتله کندیکنندن خلیفه تعیین اولوندیغی کونک فرداسی صبا حلین بر معتاد اوموزینه بز آلوب صائمق اوزره بازاره کیتدی . بولده حضرت عمر و حضرت ابو عبیدهیه راست کلدی . آره لرنده شو بولده بر محاوره جریان ایتدی : نه یا پیورسک مسلمینک امور و مصالحی سزه تقویض اولوندی . سز بویله چارشوده بازارده بز صانا حقی اولور سه کز مصالح عبادی کیم رؤیت اید . جک ؟

— بکی ، اما بن عیالمی نصل انفاق ایدیم ؟

— بزسکا مال مسلمیندن یومیه نفقه تقدیر ایدرز .

بو محاوره دن سوکرا اصحاب کرامک اتفاقله حضرت خلیفه یه یومیه یاریم قیون و یازلق ، قیشلق ایکی قات البسه ، و سنوی ایکی بیک درهم کوش تخصیص قلندی . آندن سوکرا کلن خلفای راشدینه ده عین تخصیصات اعطا اولوندی . هیچ بر پسنه بو تخصیصاتدن فضله برشی ویریلدی . حتی حضرت فاروق زماننده ممالک اسلامییه بر سرعت

چونکه اکر اولیه اولمازسه حقوق بشریه پایمال اولور . اقویا ضعفانک حقوقنه تجاوز ایدر . ترقی ، تمدن قابل اولماز . حالبوکه تمدن اولما بجه حیات بشریه نك دوام و بقاسنه امکان قالماز . ایسته بونک ایچوندرکه حقوق و معاملاتده بین البشر مساواته رعایت ارکان اسلامییه نك رکن اعظمی تشکیل ایشلدر . بوندن بیک اوچوز سنه اول قرآنک نزولیه حکومت اسلامییه تابع اولان بالجمله انسانلر ، حامی مدیت و انسانیت اولان مساوات و عدالته بحق نائل اولمشلردر .

صاحب شریتمنز صلی الله علیه وسلم افندمن حضرتلری بومساواته تمامیه رعایت ایشلر و امتنهده کندی ذات رسالتیناهیلری کبی رعایت ایتلرینی فرمان بیورمشلر ایدی . شریتمنزک امر ایتدیکی مساوات اودرجه عالی ایدی که انسان بونک درجه سنی دوشوندکجه حیرتهه قالیور . مظهر وحی الهی اولان بر پیغمبر کندیسنه اصلا وجود ویرمیور ، هر نه یاپارسه ، هر نه امر ایدرسه الله نامنه یاپور ، الله نامنه امر ایدیبور . حسب الله امتک سلامتته چالیشیور . خدمتته مقابل بیت المالدن بر حبه بیله قبول ایتمیور . کندی مساعیسی ایله اولمدیغی ایچون او پاره دن بر حصه آلمه وجدان پاک قائل اولمایور . « سز چالیشک ، بنیمیم ... بو نصل اولور ؟ .. » دییور . بتون افعال و حرکات و معاملاتکده کندیغنی اصحابیه ، اتباعیه مساوی طوتیور . خدمتکارلرینه ، کوله لرینه یمکندن یدیر بیور ، کیدیکندن کیدیر بیور . آنلره افعال شاقه دن هیچ برشی تکلیف ایتمیور . حتی آبدست آلیرکن آنلردن برینه آبدست صونبی بیله دو کدیر میور .

مشهوردر : اون سنه دن متجاوز خدمت سنیه لرنده بولونان فوق العاده بر صداقت و جدیدتیه بر موقع ممتاز احراز ایلین انس رضی الله عنه حضرتلرینه برکون تجدد و ضوء بیوره جقلرندن بحث ایله صو احضار ایتسینی فرمان بیوردیلر . حضرت انس در حال صو احضار ایلدی . حضرت رسول تجدد و ضونه قیام ایتدی . انس کال خواهشله صو دوککه تشبث ایلدی . بونک اوزرینه حضرت رسول ذات رسالتیناهیلری بو خصوصده معاونته محتاج اولمدقلرینی بیان ایله آنک بو خدمتی قبول بیورمدیلر ، « سویی براقده اورادن چکیل ! » امرینی ویردیلر .

کذا : رسول اکرم حال سفرده بولندقلری برکونده اصحاب کرامه بر قیون ذبح ایتلرینی امر بیوردیلر . اصحابدن بری : « قویونی بن کسرم ، دیکری : « بنده یوزرم ، بر باشقه سی دخی : « بنده پیشیرم » دیدی . رسول اکرم ده : « اولیه ایسه بنده سزه اودون ویوتقا طوبالارم » بیوردیلر . بونک اوزرینه اصحاب کرام : « یارسول الله ! سز استراحت بیورک . نه لازمه بز یاپارز » دیدیلرسدهده ؛ رسول اکرم : « بیلیم ، یاپارسکز ؛ لکن بن سزدن ممتاز بر حالده بولونغی قبول ایتیم . سز چالیشک ، بن طوریم ... بویله شی اولماز ، اوله ماز . چونکه بوکا الله راضی اولماز » بیوردیلر .

حتی حضرت رسول مساواته رعایتده اودرجه ایلری وارمشلردی که اصحابی کندیسنه قیامدن بیله منع بیورمشلردی . « لاتقوموا » حدیث شریفی اربابنه معلومدر . حضرت پیغمبر صلی الله علیه وسلم افندمن

خارق العاده ایله توسع ابتدیی و یوز میلیونه قریب اهالیك حوزه اسلامه داخل اولهرق بیت المال مسلمینه میلیونلرجه نقود و سائره پیدرپی کلدییکی بر زمانده بیله حضرت فاروق تخصیصات سابقه سنه بر حبه علاوه ایتمدی . بر آره لوق اصحاب کرام حضرت فاروق تخصیصاتی بر مقدار آرتیرمق ایستدیلسده کندیسسی بونی شدتله رد ایلمدی . چونکه بو خصوصده برنجی خلیفه ایله کندیسسی آراسنده عدم مساوات کورینور . و حالبوکه بونی شیئ انسانیت و حیثنه موافق بولمایور ایدی . کذا آندن سوکرا حضرت عثمان ، حضرت علی رضی الله عنهما ده عین تخصیصانندن فضلہ برشی قبول ایتمدیله .

ایشته خلفای راشدین بویله جزئی بر تخصیصات ایله قناعت ایدرک و وظیفه مودوعه لرینه کمال جدیتله و بین الامت مساوات و عدالته صوک درجه رعایتله ایفای وظیفه بیوردقنرندن طولایی ایدی که یکریمی اوتوز سنه ظرفنده شمس منیر اسلامیت بتون جزیره العربی انوار عدالت و مساواتله تنویر ایلدکن سوکرا حدود چیندن بحر محیط اطلسی یه قدر اولان معموره جهانک کافه سنی ذخی و ایه دار فیوضات ایلمدی . فاعتبروا یا اولی الابصار ! ...

### عقیده اهل سنتک جملاً بیانی

— مابعد —

رسول اکرم صلی الله علیه وسلم افندمن حضرت لرینه بو صورتله ایمان و محبت و تعظیم ایتمکمز کبی شرف صحبتی ایله مشرف و (لیبلغ الشاهد الغائب) [۱] امر نبویسنه امتثالاً دین مبینک قرناً بعد قرن بزه قدر وصولنه و ساطت ایدن ذوات کرامه ده محبت و تعظیم ایدرز . افضل صحابه و انبیای عظامدن صکره افضل بشر ابو بکر ، عمر ، عثمان ، علی رضی الله تعالی عنهم حضراتی اولدیغنه اعتقاد ایدرز . کرم ذوات مشارالیه و کرم سائر صحابه کرامک جمله سنه حسن ظن ایدرز . جناب رب العالمین ایله حبیب ذیشانی آنلر حقنده نصل ثنارده بولندیلسه بزه بولنوروز . هیچ بری حقنده طعن ایتمک کبی بر کفران نعمته تصدی ایتمیز . بری اولدقلری خصوصاتی کندیلرینه اسناد ایله وبالله کیرمیز .

\* \*

دنیا ده ، عقباده ده مدار نجات و سلامت اولان اعتقاد پاکز اشته بودر . هر درلو زیغ و ضالانندن بری اولان بو اعتقاد سلیمی قبول ایتمه جک فطرت سلیمه بولمیه جنی ایچون هر نره ده اولسه ق صراط مستقیمه بولنقدن متولد بر حس اطمینان و منقرتله آنی اعلان ایتمکدن چکمز . حقیقت دائماً حقیقت اولوب من الازل الی الابد قبول تعدد و تغیردن ، تبدیل شکل و صورت ایتمکدن منزله اولدیغی ایچون حضرت ابو البشر دن حضرت سید البشره قدر بالجمله انبیا و مرسلین هپ بونی تعلیم و اعلامه ، بونی تلقین ایدرک ارشاد انامه مأمور اولمشلردر . ( ان الدین عندالله الاسلام و ما ختلف الذین اوتو الکتاب الامن بعدما جاءهم العلم بقیاً بینهم ) مأل شریفی : نزد الهیده دین مقبول ، اسلامدر . اهل کتابک کیمی مؤمن قلوب کیمی کافر اولقی کبی اختلافلری هپ [۱] تمام حدیث : لیبلغ الشاهد فان الشاهد عسی ان یبلغ من هو اوعسی له منه

توحیده آگاه ایلدکن صکره درکه بو اختلافلری کافر اولانلرینک بنی و طغیانندن نشئت ایتمشدر .

عناد و استکباردن تجرد ایدرک دیده عرفانی قاپلایان غشاوه جهل و غباوتی صیبرمهغه ، غرورینی آیاقلر آلتنه آلهرق قدیمدن بری طوتدیغی طریق ناهموارک حقیقته قارشو بر جنایت اولدیغی کندیی کندینه اعتراف ایتمک جرأت ایدن ، قوه فکریه و جر بزه نطقیه سنه

اغتراراً تروج باطلیه هوسکار و نعمت اذعانندن بی نصیب بر طاقم جهلییه ریاست آرزوسی کبی بر حس خسیس نفسانی یه مغلوب اولمان . حاصلی تجری حقیقتدن باشقه بر شیئه نصب نکا ، اهتمام و اعتبار ایتمیان ارباب عقول بوندن دهها طوغری ، فطرت پاکیزه لرینه بوندن دهها موافق بر دین و اعتقادی دوشونوب بوله مازلر .

( فاقم وجهک للدين حنیفا فطرة الله التي فطر الناس علیها لا تبديل خلق الله ذلك الدين القيم ولكن اکثر الناس لا یشرعون [۱] )

فطرت انسانیه اولان بو موافقتدن دکلیدرکه بو دین مبینک انوار فیوض و بر کاتی اولجه کورولمک بر سرعت خارق العاده ایله قلبدن قلبه سرایت ایدرک پک آرز بر زمان ایچنده جهان مدنیق استیلا ایلمدی . بطحای مکدن طلوع ایدن او شمس الهدای عرفان اون سنه ظرفنده جزیره العربک یوز سنه ده اسکی دنیا معموره سنک کافه آفاقی تنویر ایتمدی . جهانک قسم معلومنده صیت اسلامی طویمدق قوم نالمدی .

سکنه عالمک کیمی ظلمات اشراک ایچنده پویان ، کیمی نصوص شرایع الهیهی تحریف ایتمک سیئه سیله ایچنه دوشدکاری کردایه جهالت ایچنده حیران و سرگردان ایکن عصرلرجه سورن امکارله ، تجریرله کشفنه ظفریاب اوله مدقلری معشوقه عقل و وجدانلرینی بردن بره بولنجه ، او نور جوال هدایتک ناصیه مجاهدین اسلامده پارلادیغی کورنجه آقین آقین دائرة فوز و نجاته کیردیله . عصرلردن بری صمیم وجدانلرینه باصوب مرور زمان ایله کیتدکجه آغیرلاشان بار خرافات و باطلیلدن سیلکنوب اوله بردامک اغفاله دوشمه مک اوزره قورتدیله . یالکز بوقدرله ده قالمیوب تلامیذ وجدان و عرفانی اولدقلری قوم عربیه خیر الخلف اولهرق حقیقی مدافعه و تأییده ، تعالیم اسلامییه چار اقطار جهانیه نشر و تعمیمه موفق اولدیله . بودینک یالکز عرب دینی دکل ، بتون عالم انسانیتک دینی اولدیغی اثبات و هادی اعظم اولان رسول اکرم صلی الله علیه وسلم افندمن حضرت لرینک کافه اممه مبعوث اولمیرینه سبب تلقین بیوردقلری دینک انسان نامی طاشیان هر فردک حالنه چسبان اولدیغی میدان علانیته چیقاردیله . ( یحمل هذا العلم من کل خلف عدوله ینفون عنه تحریف الغالین و انحال المبطلین و تأویل الجاهلین [۲] )

اصغر نعیم

\*\*\*

[ ۱ ] یا محمد پاک و خالص اولدیفک حالده دین اسلامه توجیه وجهه اعتنا و اقبال ایت . او دین فطری یه که جناب حق خلق او دین ایله مفعول ایلمشدر . دین الهی یه تبدیل و تغیر طاری اولماز . طوغری دین بودر . لکن ناسک اکثری فرقنده دکلدزلر .

[ ۲ ] بو عنیمک حامی هر بطنده کی عدول اوله جقدرکه یوذوات کرام آنی ارباب غلوک تجریرانندن ، دینسز لک احتمالانندن ، جاء لمرک تاویلاتندن مصون قیلارلر .